

Nalog supervizora o opozivu imenovanja Siniše Kisića na mjesto gradonačelnika Brčko Distrikta BiH i Ismeta Dedeića na mjesto šefa Odjeljenja za urbanizam, imovinske odnose i privredni razvoj

U skladu sa ovlaštenjima koja su mi povjerena stavom 37. Konačne arbitražne odluke za Brčko od 5. marta 1999. god. i stavom 3. Aneksa od 18. avgusta 1999. god.;

Pozivajući se na Nalog supervizora od 8. marta 2000. god. o imenovanju Siniše Kisića na mjesto gradonačelnika Brčko Distrikta i Ismeta Dedeića na mjesto šefa Odjeljenja za urbanizam, imovinske odnose i privredni razvoj u prelaznoj Vladi Brčko Distrikta;

Nakon što je Osnovni sud Brčko Distrikta potvrdio optužnice protiv Siniše Kisića i Ismeta Dedeića zbog zloupotrebe položaja i uzrokovanja materijalne štete Brčko Distriktu prilikom primjene entitetskih zakona koji se odnose na nadziranje zgrada u društvenoj svojini;

Ne prejudicirajući konačni ishod krivičnog postupka protiv gorepomenutih zvaničnika i vjerujući u nezavisnost i nepristrasnost pravosuđa Brčko Distrikta;

Naglašavajući da se ovaj nalog ne može prihvati kao dokaz u krivičnom postupku protiv gorepomenutih zvaničnika;

S ciljem da se osigura da prelazna Vlada Brčko Distrikta sačuva svoj ugled i integritet u obavljanju svojih zadataka i nastavi da se koncentriše na zahtjevan zadatak provođenja Konačne odluke i integrisanja područja;

Ovim nalažem:

1. opoziv imenovanja Siniše Kisića na mjesto gradonačelnika Brčko Distrikta i Ismeta Dedeića na mjesto šefa Odjeljenja za urbanizam, imovinske odnose i privredni razvoj;
2. da zamjenik gradonačelnika preuzme funkcije v.d. gradonačelnika propisane Statutom i odredi v.d. šefa Odjeljenja za urbanizam, imovinske odnose i privredni razvoj iz reda šefova Pododjeljenja ovog Odjeljenja, dok ja ne imenujem novog gradonačelnika i šefa Odjeljenja.
3. Ovaj nalog stupa na snagu odmah i biće objavljen u "Službenom glasniku Brčko Distrikta BiH". Za stupanje na snagu ovog naloga nisu potrebne dodatne proceduralne radnje.

*Gerhard Sontheim
v.d. supevizora za Brčko
Kancelarija visokog predstavnika*